

dogme fondamental du papisme. “ Benedic-
tus XIV, Pontifex summæ doctrinæ &
magnæ apud ipsos Protestantes existima-
tionis, in Ep. ad Inquisitorem generalem
Hispaniæ datâ die 13 Jul. 1748, dicit,
non esse obligationem credendi Romani
Pontificis infallibilitatem : universa Ecclesia
ut orthodoxos habet Gallos illam negantes.
... Credimus universi Ecclesiæ Catholicæ
filii, Ecclesiam docentem infallibilem con-
sistere in corpore primorum pastorum seu
episcoporum, unito capiti suo visibili,
Romano Pontifici : hoc augustum & im-
mortale tribunal errori impervium credi-
mus; ita ut sive Pontifex definiat, & ac-
cedat consensus episcoporum non physice,
sed moraliter omnium, id est partis eo-
rum majoris, episcoporum plerorumque, in
Concilio vel extra Concilium : sive ipsa Con-
cilia, corpus episcoporum repræsentantia,
judicent, & judicio ipsorum superveniat
conforme successoris Petri judicium : in
utroque casu causam finitam credamus;
credamus esse judicium supremum, irre-
tractabile, judicium Spiritûs Sancti. En
fixam, certam, constantem ab omni ævo,
omnium Catholicorum sententiam, quam si
ex animo complectantur adversarii, in
fraterna & dudum optatissima læti ruemus
pacis oscula, nec quidquam aliud ab ip-
sis cum Benedicto XIV, imò cum Ecclesia
universa exquiremus „